

# **Prujetus di padrons i orientasons Planu di binifísius kumunitáriu Akordu di binifísius kumunitáriu**

**Gabineti izekutivu di enerjia i asuntos ambiental**  
Gabineti di justisa i ekuidadi ambiental  
Sitenbru 2025



# Tabela di kontiúdu

|                                                                        |    |
|------------------------------------------------------------------------|----|
| Planu di binifísius kumunitáriu .....                                  | 0  |
| Akordu di binifísius kumunitáriu .....                                 | 0  |
| I. Intruduson.....                                                     | 2  |
| A. Vizon jeral.....                                                    | 2  |
| B. Termus-prinsipal .....                                              | 2  |
| C. Inportânsia di planus di binifísius kumunitáriu .....               | 3  |
| D. Konsiderason di CBPs i CBAs na prusesu di pirmison konsolidadu..... | 4  |
| i. Prusesu di dizinvolvermentu.....                                    | 4  |
| ii. Kapasidadis di izekuson .....                                      | 5  |
| II. Dîfini binifísius pa kumunidadi .....                              | 6  |
| III. Prusesu di involvimentu kumunitáriu .....                         | 7  |
| A. Prinsípius fundamental di involvimentu ifisienti.....               | 7  |
| B. Prusesu di involvimentu pasu a pasu .....                           | 9  |
| IV. Transforma kunprimisus pa asons.....                               | 11 |
| A. Responsabilidadi através di strutura.....                           | 12 |
| B. Na garanti flexibilidadi, na manti integridadi .....                | 12 |
| V. Struturason di un planu di binifísius kumunitáriu.....              | 12 |
| A. Kunpumentis rikumendadu di CBP pa OEJE.....                         | 13 |
| B. Ton i asesibilidadi .....                                           | 14 |
| VI. Izenplus di kunprimisus signifikativu.....                         | 14 |
| VII. Supervizon i responsabilidadi .....                               | 17 |
| VIII. Sustentabilidadi a longu prazu.....                              | 17 |
| IX. Konstrui kunfiansa, intrega inpákitu.....                          | 18 |
| X. Studus di kazu i rikursus adisional.....                            | 19 |

# I. Intruduson

## A. Vizon jeral

---

*Lei ki ta prumovi un redi di enerjia linpu, ta prumovi ekuidadi i pruteji kontribuintis* (lei di klima di 2024) ta iziji ki gabineti di justisa ambiental i ekuidadi (OEJE) na gabineti izekutivu di enerjia i asuntus ambiental (EEA) dizinvolvi normas i orientasons ki ta guverna uzu potensial i aplikabilidadi di planus di binifisius kumunitárius (CBPs) i di akordus di binifisius kumunitáriu (CBAs), ben komu di análsis di inpákitu kumulativu (CIA), ta ser dirijidu pa kandidatus di prujetu. Komu parti di involvimentu signifikativu nisisáriu, CIA i ierarkia di mitigason (ivita, minimiza i mitiga), kandidatus pa prujetu debi trabadja ku kumunidades pa dizinvolvi CBPs ô CBAs pa apoia kel prusesu li. OEJE ta insentiva kandidatus di prujetus pa identifika oportunidadi di invistimentu na ben-estar au longu prazu di kumunidades inpakitádas.

CBPs i CBAs ta dizinpenha un papel krusial pa garanti ki implimentason di prujetus enerjétiku ta alinha ku prinsípius di EJ, na prumovi partisipason inklusivu i na sigura ki binifisius i inkargus di tranzison é partilhadu di un manera justu. Prinsípius di EJ ta inklui: (i) involvimentu signifikativu di tudu pisoas en termus di na dizinvolvimentu, implimentason i aplikason di leis, regulamentus i pulítikas ambiental, ki ta inklui pulítikas di mudansas klimátiku; i (ii) distribuison ekuitativa di binifisius enerjétiku i ambiental i inkargus ambiental.” Kés padrons i orientasons li ta enfatiza proporsionalidadi, na rikunhesi ki skala di kunprimisus debi korispondi a tamanhu di un prujetu. Na ta fazi si, és ta da un strutura ki é ekuitativa i prátiiku pa diferentis skalas di invistimentu, na pripara sináriu pa un implimentason klaru i konsistenti.

## B. Termus-prinsipal

---

- **Planu di binifisius kumunitárius (CBP):** Un dokumentu ka legal vinkulativu ki ta diskrevi modi ki un prujetu ta ben involvi i binifisia kumunidades lokal duranti dizinvolvimentu i operason di un instalason enerjétiku.
- **Akordu di binifisius kumunitárius (CBA):** Un akordu negosiadu i legalmenti vinkulativu entri un kandidatu pa un prujetu i un kumunidade, jeralmenti riprizentadu pa un ligason di grupus kumunitáriu ô pa un órgon di guvernu lokal, ki ta diskrevi binifisius ki kumunidades ta ben resebi.
- **Análisi di inpákitu kumulativu (CIA):** Un análsis ki ta avalia inpákitus i inkargus kumulativus ki debi fazedu pa ditirminadus kandidatus di prujetus di instalasons di infrastruturas enerjétikus di akordu ku GL c. 164 § 69G i 980 CMR 15.00.
- **Prinsípius justisa ambiental (EJ):** Prinsípius ki ta apoia pruteson kontra poluison ambiental i kapasidadi di vivi i disfruta di un ambienti linpu i saudável, independentimenti di rasa, kor, rendimentu, klasi, difisiênsia, identidadi di jéneru, orientason sexual, orijen nasional, etnia ô asendênsia, krensa rilijioza ô

profisiência na língua Inglês, ki ta inklui (i) involvimentu significativu di tudu pisoas en termus di na dizinvolvimentu, implimentason i aplikason di leis, regulamentus i pulitikas ambiental, ki ta inklui pulitikas di mudansas klimátiku; i (ii) distribuison ekuitativa di binifisius enerjétiku i ambiental i inkargus ambiental.”

- **Prinsipal partis interesadu:** Menbrus di públiku, ki ta inklui rizidentis lokal, grupus di interesi públiku i organizasons dentu di un kumunidade lokalizadu dentu di un kilómetru i meiu di un instalason di infrastrutura di enerjia linpu propodu ô instalason na abrigo di MGL c. 164, §69G ki ta podi ser afetadu pa kel prujetu li, ô un pisa o organizason ki ta ripriznta rizidentis lokal. Prinsipal partis intiresadu podi inklui rizidentis vizinhos (proprietáriu i inkilinu) i inprezas, organizasons kumunitáriu, kumunidade di justisa ambiental, autoridadeis munisipal ileitu ô nomiadu (pur izenplu, prizidenti di kámara ô administrador munisipal, menbrus rilivanti di konselhu ô di konselhu siletivu, prizidenti(s) di kumison di konservason, konselhu di planiamentu, konselhu di zoneamentu i xefi di dipartamentu di obras públikus), autoridadeis di planiamentu rijional i tribus rikunhisidu a nível federal ô di stadu.
- **Involvimentu significativu:** Involvimentu públiku antis, kontínu, asesível i kulturalmenti kunpitenti ki ta pirmiti kontribuison di kumunidade ki ta fundamenta tomada di disizons i pulitikas públiku.

## C. Inportância di planus di binifisius kumunitáriu

*CBPs podi riduzi opozison di kumunidadeis i atrasus, au mesmu tenpu ki ta silera dizinvolvimentu i implimentason di prujetu.*

Un CBP é un dukumentu ka juridikamenti vinkulativu ki ta diskrevi modi ki un prujetu ta ben involvi i binifisia kumunidadeis lokal duranti dizinvolvimentu i operason di un instalason enerjétiku. CBP ta sirvi komu un bazi inportanti pa konstruson di rilasons i transparênsia. Un CBP podi abri kaminhu futuris pa CBAs juridikamenti vinkulativus, sinadu pa kandidatus di prujetus i munisípius, grupus kumunitáriu i/ô organizasons

kumunitáriu (CBOs), ki ta formaliza kunprimisus asumidu ku kumunidadeis. Na stablesi un kulaburason antisipadu, CBPs podi sublinha prujetu propodu i prusesus rilasionadu pa stablesi un kumunikason abertu i riuni prinsipal partis intiresadu dés di inísiu. CBP ta djuda alinha prujetus enerjétikus ku ispetativas i nisisidadeis di kumunidadeis anfitrión i di rizidentis inpakitadu, na prioriza sés ispiiência vividu i priokupasons. Pa prujetus kandidatu, CBP i CBAs ta kria un prusesu strukturadu ki ki ta riduzi inserteza, identifika problemas antisipadamenti, ki ta riduzi atrasus i ta prumovi rilasons más forti ku kumunidadeis di akolhimentu.

**Planu di binifisius kumunitáriu (CBP)**

**Akordu di binifisius kumunitáriu (CBA)**

- Planu **ka legalmenti** izekutável kriadu pa un promotor di prujetus, na konsulta ku kumunidade inpakitádu
- Rizumu di **involvimentu di kumunidade**
- Ta sublinha **kunprimisu** di un promotor na atendi pa nisisidadis di kumunidade

- Akordus **legalmenti vinkulativu** nigosiadu entri munisípius ô organizasuns kumunitáriu i promotoris
- Ta sublinha **binifísius spisífiku** ki promotor ta ben da pa kumunidade
- **Aplikável na tribunal**, ki ta da kumunidade un garantia más forti di ki promotor ta ben kunpri au longu di sés kunprimisus
- **Un CBA podi ser rizultadu di un CBP**

## D. Konsiderason di CBPs i CBAs na prusesu di pirmison konsolidadu

CBPs i CBAs é faramentas valiozu pa rifliti kontribuisons i nisisidadis di kumunidade i kunprimisus di prupunentis di prujetu. Kel isbosu di baxu ta rifliti potensial inkorporason di CBPs na EFSB i na prusesus di lokalizason i lisensiamentu di munisípius.

### i. Prusesu di dizinvolvimentu

Na alinhamentu ku rikizitus di involvimentu antis di EFSB i di DOER, prupunentis di prujetu debi mostra un involvimentu signifikativu ku rizidentis, munisípius i CBOs. Komu parti di kel prusesu li, OEJE ta rikumenda ki rikirentis dizinvolvi i dibati di un prujetu di CBP ku menbrus di kumunidade duranti fazi di pré-dipóztu. Diskusons inisial debi sensibiliza kumunidade pa potensial inpákitus di prujetu prupodu na saúdi públiku i na indikadoris ambiental, bem komu pa kualker mididas di mitigason prupodu. Alén di rikolhi feedback sobri rota prifiridu ô opson di lokal, kandidatus debi trabadja ku prinsipal partis intiresadus pa identifika nisisidadis, priokupasuns i prioridadis lokal ki podi informa dizinvolvimentu di binifísius prupodu.

*Prujetus ekuitativus ta kumesa ku un involvimentu signifikativu di kumunidade — ta inklui ativamente menbrus di kumunidade na difinison di prioridadis i*

Un vez ki refinadu através di kel involvimentu li, raskunhu di CBP debi ser mandadu djuntu ku pididu di prujetu a EFSB i pa munisípius rilivanti. Keli ta garanti ki disizoris — for nível stadual ô lokal — ten rijistu más atualizadu di feedback di kumunidade i di binifísius prupodu na inísiu di prusesu di rivizon.

Dipós di submeti un prujetu di CBP, CBP debi manti un dokumentu vivu ki ta podi ser rifinadu através di involvimentu kontínu ku menbrus di kumunidade i autoridades di lisensiamentu rilivanti. Na kontekstu di un prusesu di EFSB, CBP ta fazi parti di rijistu formal di pididu i debi ser analizadu djuntu ku otus material di prujetu duranti prusesus di julgamentu i kumentáriu públiku di ajensia. Pa prusesus di lisensiamentu munisipal ô otus prusesus lokal, CBP tanbé debi ser partilhadu ku konselhus, kumisons ô dipartamentus rilivanti pa informa sés rivizon i garanti ki disizores lokal ten un konprienson konpletu di binifísius prupodu pa kumunidade.

Seja sob jurisdison di EFSB ô di un munisípiu, prupunentis di prujetu debi kontinua ta riuni ku riprizenantis di kumunidade dipós di prujetu di CBP é mandadu pa rispondi feedback, ajusta kunprimisus konformi apropiadu i manti transparênsia sobri manera ki planu sta ta ivului. Kés diskusons li debi aborda modi ki binifísius prupodu ta alinha ku nisisidadis identifikadu di kumunidade, ta kunplimenta kualker mididas di mitigason i sta struturadu pa monitorizason au longu prazu.

Kandidatus di prujetu debi finaliza CBP artis di konkluzon di prusesu di rivizon. Na alguns kazus, CBP podi ser formalizadu na un CBA, ki podi ser konkluídu dipós di konkluzon di prusesu di rivizon. Na otus kazus, própriu CBP ta sirvi komu dokumentu orientador pa intrega di prestasons sen akordu formal. Inbora aprovason final di prujetu ka ta dipendi na kontijensia di ten un (CBA), kandidatus é txeu inkorajadu pa ten un CBP finalizadu — i, kuandu pusível, un CBA kondisional — en vigor artis di fin di prusesu di rivizon. Un CBA kondisional debi ser struturadu pa entra en vigor só dipós di aprovason final di prujetu pa EFSB ô pa riprizenanti rilivanti di guvernu lokal.

Na tirmina kel prusesu li, kandidatus ta kunfirma sés dispunibilidadi pa intrega binifísius pa kumunidade, konformi pometedu, na riforsa kunfiansa, risponsabilidadi i rilasons puzitivu di longu prazu ku kumunidades ki ta akolhi prujetu.

## ii. Kapasidadis di izekuson

EFSB ta da benvindu pa isforsus di Kandidatus pa involvi na diskusons ku munisípius ki ta akolhi infrastrutura i partis intiresadu afetadu sobri privenson, minimizason i mitigason di inpákitus, ki ta inklui diskusons sobri un CBP ô CBA. EFSB ta konsidera un CBP ô CBA komu prova di modi ki un prujetu ta da binifísius adisional pa kumunidade di akolhimentu. Nu intantu, EFSB ka ta aprova nem aplika akordus kuletivus di trabadju; risponsabilidadis di izekuson ki ta kabi pa partis ki ta sina akordus.

Prusesus lokal di lisensiamentu i fiskalizason podi ser diferentis, prinsipalmenti kuandu un munisípiu é signatáriu di un CBA. Na tal kazus, munisípiu podi ten un papel diretu na garanti ki termus di akordu é kunpridu. Munisípius debi tanbé stabilesi un prusesu klaru pa monitoriza i komunika konformidad. Kuandu kunprimisus ka é kunpridu, munisípius podi izersi sés autoridade di izekuson, ki ta inklui penalizasons ô asons kuretivu. Munisípius é txeu inkorajadu pa trabadja en kordenason ku CBOs pa garanti transparênsia i prestason di kontas. Indipendentimenti di mekanismus formal di izekuson en vigor, OEJE ta inkoraja vivamenti pa prupunentis di prujetus trata

kunprimisus asumidu na CBPs ô CBAs komu obrigasons moral i operacional vinkulativu.

## II. Difini binifísius pa kumunidade

Binifísius pa kumunidade é rizultadus tangível i duradourus ki un prujetu ta intrega na risposta pa prioridadis, nisisidadis i priokupasons di kumunidades inpakitádu. Kuandu binifísius kumunitárius é kriadu em parseria ku kumunidades, és podi djuda konstrui kunfiansa, aborda dizigualdades i ta garanti ki tranzison pa enerjia linpu kunpri sés promesa di EJ i ekuidadi.

*Binifísius pa kumunidade, kriadu ku i pa kumunidades inpakitádu, é isensial pa avansu di diskarbonizason i di justisa ambiental.*

### Binifísius signifikativu

Binifísius debi ser difinidu através di diálogo diretu ku kumunidade, na rikunhesi ki nisisidadis ta varia di akordu ku jeografia, kultura i kontekstu. Pa alguns kumunidades, un binifísiu signifikativu podi ser formason di forsa di trabadju i oportunidades di inpregu; pa otus, podi ser melhoria di kualidadi di ar, asesu a enerjias renovável, invistimentus na infrastruturas lokal ô finansiamentu pa inisiativas lideradu pa kumunidade. Un prupunenti di un prujetu podi tanbé prupoi un binifísiu ki ta midjora pontuason di un indikator ka direktamenti inpakitádu pa prujetu prupodu. **Más inportanti é ki binifísius for adikuadu pa objetivus diklaradu pa kumunidade.**

Pa apoia un konprienson konsistenti di potensial áreas di inpákitu, OEJE ta rikunhesi kuantu grandis katigurias undi binifísius pa kumunidade jeralmenti ta toma forma:

- 1. Justisa i ekuidadi ambiental:** Aborda danus stóriku, riduzi inpákitus ambiental i garanti ki kumunidades más afetadu resebi asesu prioritáriu pa enerjia i pa binifísius ambiental, pa enerjia linpu i pa pruteson di saúdi públiku.
- 2. Dizinvolvimentu ikunómiku i mó di obra:** Kria impregus ben rimuneradu i asesível pa rizidentis lokal, apoia pikinotis inprezas i inprezas pertensentis minorias i konstrui oportunidades ikunómiku au longu prazu.
- 3. Infrastrutura i apoiu kumunitáriu:** Invisti na infrastruturas fíziku i susial di ki kumunidades mesti pa prospera, sima kaza asesível, asesu a transportis, banda larga ô krexis.
- 4. Implimentason di prutesons ambiental i di saúdi públiku:** Pruteji saúdi di pisoas i ambienti natural através di isforsus di prizervason, privenson i kontrolu di poluison, ristaurason di teras i abitats i mididas di riziliensia klimátiku.

### Ditirminandu binifísius rilivanti

Nen tudu binifísius ta ser aplikável a tudu prujetus i prujetus ta podi ten binifísius ka inkluídu na kés katigurias li. Rilivânsia di un binifísiu ta ben dipendi di ditalhis di prujetu i di lokalizason, di rilatóriu di CIA ô di avaliason di adikuason di lokal (konformi aplikável), ben komu di prioridadis i nisisidadis di kumunidades inpakitádu. Na midida di pusível,



kandidatus debi trabadja ku kumunidades inpakitádu más sédu pusível i ku frikuensia pa difini kal binifísius é más rilivantis pa és. CBPs debi splika klaru modi ki binifísius foi identifikadu en kulaburason ku kumunidade, sima aborda nisisidades ô danus spisífiku i modi ki ta ser integradu i mididu au longu di tenpu.

### **Binifísius rastreável**

Pa fin, binifísius debi ser más di ki aspirasons i prumesas. Un CBP signifikativu ta inklui kunprimisus difinidu klaru, stratéjias di implimentason spisífiku, linhas di tenpu i métricas di risponsabilizason. Mitigason i binifísius ka é mesmus na kés prusesus li. Mitigason ta rifiri pa asons tomadu pa ivita, minimiza ô riduzi inpákitus adversus spisífiku di un prujetu na ambienti ô na kumunidade. Kés mididas li debi ser izijidu komu parti di kondisons padron dentu di un lisensa di prujetu. Pa otu ladu, binifísius debi kontribui pa ben-esta jeral, stabilitadi i riziliensia di kumunidade di maneras ki ta rifliti prioridadis lokal. Prupunenti di prujetu debi konsidera dizignason di un risponsável pa konformidade ambiental, risponsável peranti kumunidade, ki for risponsável pa monitoriza mididas di mitigason, manti dokumentason transparenti i ki ta da regularmenti kel informason li pa kumunidades dentu di área jeográfiku di prujetu.

## **III. Prusesu di involvimentu kumunitáriu**

Involvimentu ifetivu di kumunidade é bazi di un CBP forti. Sigura ki vozes di kumunidade, prinsipalmenti ki sta disruporsionalmenti sobrikaregadu pa danus ambiental, sta sentralizadu na disizons ki ta afetas. Na kés orientasons li, “kumunidade” ta rifiri ka só pa governus munisipal ô autoridades ileitu, más tanbé tudu spetru di pisoas i organizasons ki ta vivi, ta trabadja ô é di algun manera direktamenti inpakitádu na área jeográfiku pa prujetus di infraestruturas enerjétikus. Keli ta inklui CBOs ki ta riprizenta diversus konstituintis di un bairu ô rijion. Txeu di kés grupus li ta atua komu mensajerus fiável i administradoris di longu data di saúde públiku, di kualidade ambiental i di ekuidade susial na sés kumunidades. En vez di dipendi só di un alkansi fragmentadu ô izuladu, kel prusesu li debi riuni prinsipal partis intiresadu kuletivamente, na da spasu pa ki rizidentis i organizasons ta partilha informason, konstrui konsensus i ta difendi prioridadis difinidu pa kumunidade.

Sekson siguinti ta da un strutura klaru pa involvimentu di kumunidade baziadu na ekuidade i na prestason di kontas. É ta da prinsípius orientadoris, pasus isensial i midjoris práttikas kriadu pa garanti ki kada pasu di prusesu di involvimentu é transparenti i dirijidu pa kumunidade.

### **A. Prinsípius fundamental di involvimentu ifisienti**

---

Antis di sublinha pasus spisífiku, é isensial konpriendi valoris ki debi orienta tudu isforsus di involvimentu di kumunidade. Kés prinsípius li é bazi pa rilasons ekuitativu i baziadu na kunfiansa entri kandidatus pa prujetus i kumunidades. Kada aspetu di involvimentu di kumunidade debi ser mididu em rilason a kés valoris pa garanti ki prusesu é asesível, justu i risponsivu pa prioridadis difinidu pa kumunidade.



**Involvimentu debi kumesa sédu**, idealmenti na fazi di konseitu — ben antis di un pididu ser mandadu pa EFSB ô pa munisípius. Involvimentu antis ta pirmiti kumunidades molda ka só binífisius ki ta resebi, más tanbé aspétus inportantis di prujetu em si, tal komu lokalizason di lokal, dizenhu i mididas di mitigason.

**Inkluzon é isensial.** Stratéjias di ingajament debi ser ilaboradu pa atinji kês ki jeralmenti ten menus probabilidadi di sta na meza, más más probabilidadi di ta ser inpakitádu pa rizultadus. CBPs debi prioriza alkansi di BAs, áreas undi és ta rizidi kumunidades di baixu rendimentu i kumunidades di kor, governus tribal, kumunidades ku prufisiensia limitadu na inglês, bem komu áreas rural i otus kumunidades ki stórikamenti ten stadu ta dexadu di fora di prusesus di tomada di disizons.

**Transparênsia ta jiri kunfiansa.** Tudú informasons rilasionadu ku prujetu partilhadu ku kumunidade debi ser prisizu, oportunas, i fásil di intendi, ki ta inklui traduson pa línguas rilivanti pa un ditirminada área (na obidesi planu di asesu pa língua di EFSB ô pa protokolu di asesu pa língua lokal di munisípiu). Alén di keli, kandidatus debi ser frankus sobri insertezas, limitasons i potensial riskus. Transparênsia signifika tanbé torna vizível prusesus di tomada di disizon — pa ki menbrus di kumunidade sabi modi ki sés kontributus ta ser uzadu i kénha ki é risponsável.

**Rilivânsia kultural é fundamental** pa un partisipason signifikativu. Isforsus di involvimentu debi ser adaptadus a kontextu kultural i linguístiku di kumunidade. Keli signifika kria spasus i prusesus ki ta rifliti i ta rispeta normas, valoris i realidades di kumunidade — sima prestason di sirvisus di intirpretason i traduson i pa fazi riunions na lokal familiar i asesível. É tanbé nisisáriu ten en konta bareiras strutural ki rizidentis podi infrenta, ki ta inklui transportis, krexi i orárius di trabadju inflexível. Na aborda kês dizafius i komunika di maneras ki da na kumunidade — livris di jargon di indústria i alinhadu ku métudu prifirensial di partilha di informason — kandidatus pa prujetu podi ta prumovi un partisipason inklusiva i ekuitativa ki fortaleasi vozes di kumunidade.

**Involvimentu debi ser kontínu**, ka un iventu úniku. Konstrui rilasons autêntiku ta iziji un komunikason regular i bidiresional duranti tudú siklu di vida di prujetu: dés di aplikason antis, konstruson i operasons. Involvimentu kontínu ta pirmiti ki kumunidades monitoriza prugresu, labanta priokupasons i djuda ajusta intrega di binífisius na midida ki nisisidadis ta ivului au longu di tenpu.

**Risponsabilizason debi ser inkorporadu na prusesu.** Kandidatus di prujetu debi dukumenta manera ki feedback di kumunidade ten moldadu sés disizons i mostra un prugresu ki ta mididu em rilason a kunprimisus asumidu na CBP ô CBA. Keli ta inklui rilatórius regular, avaliasons di tirserus kuandu apropiadu i oportunidades pa kumunidade pa labanta priokupasons i buska riparason kuandu akordus ka ta kunpidu.

**Justisa distributiva ta apoia ekuidadi.** Prupunentis di prujetus debi konsidera justisa distributiva na kria i implimenta CBPs ô CBAs. Justisa distributiva é alokason justu di binífisius, rikursus i oportunidades. Pur izenplu, kumunidades di baixu rendimentu ka debi resebi nem resebi binífisius signifikativamenti más baxus di ki oferesedu na

kumunidades más riku. Munisípius ki ka ta dispoi di bons rikursus, txeu bez ka ten puder pulítiku i ikunómiku pa nigosia i garanti binifísius kumunitáriuus signifikativus pa sés rizidentis. Kumunidades sobrikaregadu ka debi ser tratadu menus di ki kumunidades ku más puder ikunómiku i pulítiku.

Djuntu, kés prinsípius li ta rifliti un mudansa di alkansi pa tranzaksional pa involvimentu transformador, undi kumunidades ka é só informadu, más konsultadu i kapasitadu pa lidera djuntu disizons ki ta molda sés ambienti i futuru.

## **B. Prusesu di involvimentu pasu a pasu**

---

Baziadu na prinsípius báziku, pasus siguinti ta da un roteiru prátiku pa diriji un involvimentu signifikativu duranti dizinvolvimentu di prujetu. Inbora kada kumunidade i prujetu é diferentis, kel strutura li ta garanti un abordajen konsistenti di transparênsia, inkluzon i prestason di kontas. Kada pasu debi ser sufisientimenti flexível pa adapta a kontekstu lokal i sufisientimenti rigurozu pa garanti ki prusesu ta diriji binifísius real i ki ta mididu pa kumunidade. Pasus di baxu ten objetivu di kunplimenta regulamentasons di inpenhamentu di fazi pididu di EFSB i di DOER.

1

### **Pasu 1: Mapeamentu di partis interesadus i identifikason di kumunidade**

- Identifika tudu kumunidades inpakitádu na área jeográfika spisífiku di prujetu.
- Mapia prinsipal partis intieresadus, sima, más ka limitadu a:
  - Moradoris i grupus di bairu
  - Organizasons rilijiozus i kultural
  - Ajensias guvernamental lokal
  - Prestadoris di sirvisus di saúdi públiku
  - Proprietáriuus di pikinotis inprezas
  - Grupus di difeza di jovens i idozus
  - Organizasons di EJ
  - Organizasons ambiental
  - Sindikatus i ajensias di dizinvolvimentu di forsa di tarefa
  - Tribus rikunhisidu a nível federal, rikunhisidu pa stadu ô rikunhisidu pa stadu

2

### **Pasu 2: Dizinvolvi un planu di involvimentu di kumunidade**

- Kada CBP debi inklui un planu di involvimentu kumunitáriu, ki debi ta ditalhia:
  - Objetivus di involvimentu
  - Stratéjias di divulgason
  - Linhas di tenpu i markus
  - Akumodasons di asesibilidadi i asesu pa linguajen
  - Mekanismus pa rikolhi i inkurpora informasons i feedback

- Rikursus alokadu pa partisipason di kumunidadi (pur izenplu, bolsas, transporti, krexi, etc.)

3

### **Pasu 3: Fazi asons di sensibilizason di kumunidadi antis di pididu**

- Organiza riunions públikus na lokal asesível i sentradu na kumunidadi.
- Ajenda riunions na oráriu kunvinientis pa famílias ki ta trabadja.
- Presta sirvisus di intirpretason i traduson.
- Partilha informasons preliminaris di prujetu, ki ta inklui potensial inpákitus i konseitus di binifísius.
- Pidi feedback i rijista priokupasons i ideias di kumunidadi.
- Oferesi várius kanal di involvimentu. Pur izenplu:
  - Riunions prizensial
  - Webinars on-line
  - Piskizas (dijital i na papel)
  - Kanpanha porta a porta
  - Kumunikason multimédia, ki ta inklui jornal lokal i multilingual
  - Pop-ups na iventus lokal ô spasus kumunitáriu
- Trabadja ku líderes lokal, kumunidades rilijiozus i organizasons di bazi pa aumenta partisipason i konstrui kunfiansa.
- Dizinvolti kapasidadi através di parserias ku organizasons lokal pa oferesi formason, asistênsia tékniku ô idukason sobri prusesu di lokalizason i dizinvolvimentu enerjétiku.

4

### **Pasu 4: Dukumenta i rispondi pa opinion**

- Akunpanha i publika kontribuisons di kumunidadi, na identifika temas, priokupasons i rikumendasons rikorenti.
- Mostra modi ki feedback informa:
  - Sileson di lokal
  - Prujetu di kriason i mididas di mitigason
  - Kunprimisus di binifísiu kumunitáriu
- Rizumu na un sekson rizumu di involvimentu kumunitáriu di CBP.

5

### **Pasu 5: Kria em konjuntu kunprimisus di binifísius**

- En parseria ku kumunidadi, difini prioridadis di binifísius (ki podi inklui, más ka sta limitadu a, kontratasons lokal, prutesons ambiental i di saúdi públiku i invistimentus na infrastrukuras).
- Si pididu, stabilesi un kumison konsultivu kumunitáriu (CAC) konpostu pa várius rizidentis i organizasons lokal pa orienta i supervizona dizinvolvimentu i implimentason di binifísius.

6

### **Pasu 6: Manti involvimentu durante siklu di vida di prujetu**

- Fasilita virifikasons regular ku kumunidadi na prinsipal markus di prujetu (pur izenplu, autorizason, konstruson, operason).
- Manti komunikason bidiresional através di:
  - Websites di prujetus ku atualizasons multilingual

- Linhas diretu ô alertas di textu
- Riunions públiku trimestral
- Ajentis di ligason kumunitáriu *ô ombudspeople*
- Si for stabilisidu, un CAC debi riuni trimestralmenti pa avalia prugresu na inplimentason di CBP.



#### Pasu 7: Rilata i rifliti

- Rilata publikamenti sobri:
  - Atividadis di involvimentu dirijidu
  - Prinsipal temas identifikadu pa kumunidade
  - Modi é ki feedback ten influensiadu disizons
  - Lisons prendedu i mudansas ki fazedu
- Kel informason li debi ser partilhadu ku kumunidade através di formatus multilingual i asesível (pur izenplu, panfletus, rádiu kumunitáriu, redis susial, vídeos).

Kel strutura di involvimentu li ta garanti ki CBPs é fundamentadu na ekuidadi, risponsabilidadi i lideransa kumunitáriu, na kunpri tantu letra komu spíritu di prinsipius di EJ (involvimentu signifikativu i distribuison ekuitativu) na tranzison enerjétiku.

## IV. Transforma kunprimisus pa asons

Dipós di prioridades di binífisiu pa kumunidade ta ser identifikadu através di involvimentu, próximu pasu krítiku é transforma kés ideias li na kunprimisus konkretus i asionável. Txeu bez, prumesas vagas ô objetivus mal definidu ta leba a konfuzon, diskunfiansa i inpákitu limitadu. Kel sekson li ta diskrevi modi pa ilabora kunprimisus spisífiku, ki ta mididu i risponsável, na garanti ki planus ta bai pur alén di bons intensons i ta alkansa rizultadus signifikativu i rastreável.

#### Kunprimisus bem struturadus debi:

- Diskrevi klaru kada binífisiu prupodu, ki ta inklui kuzé ki sta ser dadu i pa kénha é tem intenson di sirvi.
- Inklui markus **SMARTIE** pa kada kunprimisu, di modu pa garanti ki metas é:
  - **Spisífiku:** Metas debi ser definidu klaru, pa ka dexta marjen pa anbiguidadi.
  - **Ki ta mididu:** Metas debi ten kritérius kuantifikável ô ririfênsias pa monitoriza prugresu i ditirmina susesu.
  - **Alkansável:** Metas debi ser realistas i izekuível.
  - **Rilivanti:** Metas debi sta alinhadu ku prioridades di kumunidade i kontribui pa un propóziitu maior.
  - **Ku limiti di tenpu:** Metas debi ter un prazu ô un linha di tenpu klaru pa kria un sentidu di urjensia i risponsabilidadi.
  - **Inklusivu:** Metas debi ser ilaburadu di un manera pa garanti un partisipason signifikativu i asesível.

- **Ekuitativu:** Metas debi ta prumovi distribuison ekuitativa di binifísius ambiental i ikunómiku i mitiga inkargus disproporsionadu.
- Identifika partis risponsável pa implimentason.
- Sublinha fontis di finansiamentu i orsamentu pa kada binifísiu, na da transparênsia na modi ki rikursus é atribuídu i sustentadu.
- Da un linha di tenpu klaru pa intrega, alinhadu ku fazis di prujetu (pur izenplu, kontruson préviu, konstruson, operasons).

## A. Responsabilidadi através di strutura

---

Kada binifísiu debi ser kunbinadu ku:

- **Indikadoris di prugresu:** Métrikas pa mostra si implimentason sta na bom kaminhu (i.e., númeru di rizidentis kontratadu, dólares invistidus na infraestruturas).
- **Mekanismus di monitorizason:** Identifika kênha ta ben monitoriza i avalia prugresu, ku ki frikuensia i modi ki rizultadus ta ben ser partilhadu ku públiku.
- **Supervizon di kumunidade:** Funsons di menbrus di kumunidade ô di órgons konsultivu na rivizon di prugresus i na levantamentu di priokupasons.
- **Planiamentu di kontinjensia:** Medidas ki ta ben ser tomadu kazu un marku perdedu ô rizultadus for insufisienti.

## B. Na garanti flexibilidadi, na manti integridadi

---

Inbora planus debi ser spisífiku, és debi deixa spasu pa adaptason. Nisisidadis di kumunidade podi ivului i sertus aspetus di prujetu podi muda. CBPs debi inklui dispuzisons pa torna vizita i rifini kunprimisus di binifísius através di un diálogu kontínuu ku kumunidade.

Na sés isênsia, kel pasu di prusesu li ta konsisti na stabilesi kunprimisus klaru i izekuível ku kal kumunidades podi konta ku el. Na fundamenta kunprimisus na prioridadis difinidu pa kumunidade, apoias ku rikursus i ligas markus rastreável, pruponentis di prujetu podi aprizenta rizultadus ki ta rifliti risponsabilidadi partilhadu i binifísiu mútuo.

## V. Struturason di un planu di binifísius kumunitáriu

Dipós di identifikadu prioridadis di kumunidade i stabilisidu kunprimisus klaru, kandidatus pa prujetu debi organiza kel informason li na un CBP. Dipós é aprizentadu un mudelu ku prinsipal kunpumentis ki tudu planu debi inklui, djuntu ku orientasons sobri modi pa aborda kada sekson. Rikumendason di OEJE é ki un prujetu di CBP for un kunpumentu obligatóriu di pididu di un prujetu un munisípiu i a EFSB.

## A. Kunpumentis rikumendadu di CBP pa OEJE

### 1. Rizumu izekutivu

- a. Un vizon jeral konsizu di prujetu, di prusesu di partisipason, di prinsipal rizultadus benéfikus i di rizultadus pretendidu.
- b. Un vizon jeral konsizu di prujetu, di prusesu di inkolsimentu, di prinsipal binifísius i di rizultadus pretendedu.
- c. Rizumu di binifísius i inkargus más signifikativu rizultantis di prujetu. Alén di keli, é li ki ta notadu ki binifísius di un CBP debi ser adisionadu pa mitigason na análisi di inpákitu kumulativu.

### 2. Diskrison i kontekstu di prujetu

- a. Un rizumu di instalason enerjétiku prupodu, ki ta inklui nisisidadi/binifísius, lokalizason, dimenson, tipu di tikiñolojia, linha di tenpu i pusível inpákitus.
- b. Un mapa ô riprizenñason vizual di lokal di prujetu i di sés rilason ku kumunidades próximu.

### 3. Rizumu di involvimentu di kumunidades

- a. Un diskrison di prusesu di sensibilizason i partisipason uzadu pa dizinvolvi CBP.
- b. Inklui métudu di sensibilizason, datas i lokal di riunions, indikadoris di partisipason, temas-prinsipal di kontribuisons di kumunidades i modi ki opinions ta informa kunprimisus di binifísius.
- c. Identifika kualker parserus kumunitáriu ô órgons konsultivus involvidu na prusesu.

### 4. Prioridadis kumunitáriu identifikadu

- a. Un rizumu di nisisidadis, priokupasons i prioridadis ixpresadu pa menbrus di kumunidades i pa prinsipal partis intiresadus.
- b. Organiza prioridadis na temas (pur izenplu, saúdi, forsa di tarefa, infrastruturas) pa mostra modi ki kontributus traduzi na asons.

### 5. Kunprimisus di binifísius

- a. Sentru di CBP: un lista klaru i organizada di kunprimisus
- b. Kada kunprimisu debi inklui:
  - i. Un diskrison di binifísiu
  - ii. Populason-alvu ô área jeográfika
  - iii. Linha ti tenpu di implimentason
  - iv. Alokason di finansiamentu ô kunprimisu di rikursus
  - v. Parserus di intrega (si aplikável)
  - vi. Markus i indikadoris di dizinpenhu SMARTIE
- c. Agrupa kunprimisus pa katiguria (pur izenplu, EJ, infrastruturas, dizinvolvimentu ikunómiku, etc.) pa maior klareza.

### 6. Strutura di monitorizason i responsabilizason

- a. Diskrevi modi ki prugresu ta ben ser monitorizadu, rilatadu i avaliadu au longu di tenpu.
- b. Inklui:
  - i. Linha di tenpu di monitorizason i partis responsável
  - ii. Mekanismus di rilatóriu públikus (pur izenplu, painél, boletins informativus, riunions kumunitáriu)

- iii. Papel di kualker órgons konsultivus ô rivizores tirserus
- iv. Prusesu pa menbrus di kumunidade ta manda priokupasons ô kexas.
- v. Planus di kontinjensia ô asons kuretivas pa markus ô kunprimisus ki sta falta.

#### 7. Sustentabilidad i inpákitu a longu prazu

- a. Diskrevi modi ki binifísius ta ben ser sustentadu pur alén di fazi di konstruson.
- b. Si aplikável, inklua planus pa fundus fidusiárius, parserias di longu prazu, dotasons ô invistimentus rikorenti.

#### 8. Apêndises (opsional)

- a. Dukumentus di apoiu, sima kartas di apoiu, material di involvimentu kumunitáriu, rizultadus di inkéritus, análsis baziadu na nisisidadis di infrastrukturas di instalasons ô enerjia, mapas i dizenhus di prujetus ô akordus di parseria debi ser inkluídu.

## B. Ton i asesibilidadi

CBPs debi ser skritu na un linguajen sinplis i asesível, ki menbrus di kumunidade podi intendi fásil. Ivita jargon di setor. Termus téknikus debi ser klaru difinidu i debi ser dadu versions traduzidu pa kumunidades ku profisiensia limitadu na inglês. Rikursus vizual, sima gráfikus, mapas i linha di tenpus, podi djuda sklaresi informasons knplexus i torna planu más involventi.

## VI. Izenplus di kunprimisus signifikativu

CBPs ka é un suluson úniku pa tudu. Kada kumunidade é úniku, ku sés própriu konjuntu di prioridadis i dizafius. Binifísius pa kumunidade debi ser proporsional, tanjível i lokalmenti signifikativu, alén di operasionalmenti viável pa promotor. Di kel manera li, dizinvolvi un CBP ifisienti ta iziji un involvimentu signifikativu entri promotor i kumunidade pa garanti ki perguntas más inportantis pa kumunidade di akolhimentu é abordadu.

Binifísius ta varia naturalmenti konsoanti skala di prujetu. Grandis prujetus di infra-strtukturas di enerjia linpu ten frikuentimenti maioris rikursus i inpákitus más anplu, ki ta pirmiti invistimentus kumunitárius más abranjentis. Prujetus más pikinoti podi da binifísius igualmenti signifikativus, más na un skala más direksionadu. Izenplus siguinti ta rifliti prioridadis kumuns, sima justisa i ekuidadi ambiental, dizinvolvementu ikunómiku i di forsa di tarefa, infra-strtukturas i apoiu pa kumunidade i pruteson ambiental i di saúdi públiku, más debi ser senpri adaptadu a kontekstu di metas i dizafius di kada kumunidade.

*Ka ten un suluson úniku pa tudu. Planus di binifísius kumunitárius debi rifliti prioridadis, dizafius i metas spisífiku di kada kumunidade.*



| Área prioritáriu                                        | Grandis instalasóns di infraestruturas di enerjia linpu                                                                                                                                                                                                                                                                                                                                                                                                                                                                                                                                                                                                                                        | Pikinotis instalasón di infraestrutúra di enerjia linpu                                                                                                                                                                                                                                                                                                                        |
|---------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Justisa &amp; ekuidadi ambiental</b>                 | <ul style="list-style-type: none"> <li>• Stablesi un CAC ku puder di disizon i rimunerason pa menbrus</li> <li>• Finansia un programa plurianual di involvimentu kumunitáriu ku sirvisus di traduson i intirpretason</li> <li>• Kunprimiti ivita instalasón na ô pertu di teras kulturalmenti signifikativu i dizinvolvi planus di mitigason en konjuntu ku governus tribal.</li> <li>• Akordus di administrason di teras ku governus tribal ô fundus di teras kumunitárius lokal, prinsipalmenti si ta involvi na teras kultural ô stóriku</li> <li>• Finansia ô muderniza un edifísiu públiku (pur izenplu, biblioteka, sentru kumunitáriu) ku enerjia solar i bateria di rizerva</li> </ul> | <ul style="list-style-type: none"> <li>• Kria un funsón di ligason lokal pa manti kumunikason abertu duranti konstrusón i operason</li> <li>• Kria oportunidadi rikriativu perlongadu</li> <li>• Aplika kréditus di kontas di enerjia solar kumunitáriu na kontas di klientis di sirvisus públiku di ilitrisidadi ô riduzi kustus di enerjia na munisípiu anfitrion</li> </ul> |
| <b>Dizinvolvimentu i kunómiku &amp; forsa di tarefa</b> | <ul style="list-style-type: none"> <li>• Garanti kuotas di kontratasón lokal (pur izenplu, 30-50% di inpregus na konstrusón sivil na un raiu di X milhas)</li> <li>• Finansia sentrus di formason di mó-di-obra ô programas di pré-aprendizajen na kareiras di enerjia linpu</li> <li>• Da prioridadi pa pikinotis inprezas lokal, di propriedadi di minorias i di mulheres na prokuramentus</li> </ul>                                                                                                                                                                                                                                                                                        | <ul style="list-style-type: none"> <li>• Kontrata inpreiteirus lokal pa konstrusón i manutenson</li> <li>• Oferesi stájius remuneradu ô vagas di formason pa jovens lokal interesadu na enerjia rinovável</li> <li>• Da subsídus pa rikonstrusón di pikinotis inprezas ligadu a operason di prujetu</li> </ul>                                                                 |
| <b>Infra-estruturas i apoiu kumunitáriu</b>             | <ul style="list-style-type: none"> <li>• Investi djuntu na midjora stradas, paseius ô portus nisisáriu pa lojístika di</li> </ul>                                                                                                                                                                                                                                                                                                                                                                                                                                                                                                                                                              | <ul style="list-style-type: none"> <li>• Midjora asesu rodoviáriu lokal i mididas di siguransa pertu di instalasóns</li> </ul>                                                                                                                                                                                                                                                 |

| Área prioritáriu                             | Grandis instalasóns di infraestruturas di enerjia linpu                                                                                                                                                                                                                                                                                                                                                                                                                                                                                                             | Pikinotis instalasón di infraestrutúra di enerjia linpu                                                                                                                                                                                                                                                                                                                                                                 |
|----------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                                              | <p>prujetu ki ta binifisia kumunidadei tanbé</p> <ul style="list-style-type: none"> <li>• Midjora sistemas di águas pluvial i drenajen na bairus afetadu pa prujetu</li> <li>• Ixpandi infraestrutúra di banda larga ô di kumunikasóns na zonas rural au longu di koridoris di transmision</li> </ul>                                                                                                                                                                                                                                                               | <ul style="list-style-type: none"> <li>• Adisiona iluminasón públiku ô imbelezamentu di ruas au longu di perkursus di asesu pa prujetu</li> <li>• Disponibiliza pontus di asesu Wi-Fi ô apoiu di banda larga di pikinotis skala</li> <li>• Inkurpora postus públikus di karegamentu di veíkulus ilétrikus, alimentadu pa instalasón, oferesedu di grasa ô ku tarifas riduzidu pa rizidentis lokal</li> </ul>            |
| <b>Pruteson ambiental i di saúdi públiku</b> | <ul style="list-style-type: none"> <li>• Finansia redis di monitorizason di kualidadi di ar i torna dados públikus na tenpu real</li> <li>• Implimenta un kompensason abranjenti di ristauru ô konservason di abitats pa tirenus perturbadu</li> <li>• Oferesi melhorias na ifisiensia enerjétiku rizidensial ô subsídus pa telhadus solar pa riduzi karga enerjétiku duméstiku</li> <li>• Stablesi parserias ku ditentores di kunhisimentus indíjena pa orienta prátikas di administrason, prinsipalmenti pa ristaurason di abitats i pruteson di água.</li> </ul> | <ul style="list-style-type: none"> <li>• Da rikursus di prujetu di riduson di ruído pa instalasóns próximus di abitasons</li> <li>• Planta árvores sima bareras pa riduzi pó, kalor i inpákitus vizual</li> <li>• Apoia prujetus di jardins kumunitáriu ô spasus verdis pa ten alimentus lokal i sonbra</li> <li>• Midjora abitat lokal</li> <li>• Midjora kualidadi di ar istirior na disloka fonti imisora</li> </ul> |

## VII. Supervizon i responsabilidadi

Un CBP é tantu forti kuantu a sistemas inplimentadu pa monitoriza i avalia sés inplimentason. Pa manti kunfiansa públiku i garanti akunpanhamentu, kandidatus pa prujetu debi kunprimiti na da rilatórius regular i transparentis i komunika di un manera abertu ku kumunidade. OEJE podi trabadja em parseria ku divizion di partisipason públiku di DPU pa apoia pruponentis i prinsipal partis intiresadu na dizinvolvimentu i diskuson di CBPs, konformi pididu. Pa ten asistênsia, pur favor kontata OEJE através di [EJ.inquiries@mass.gov](mailto:EJ.inquiries@mass.gov).

*Monitorizason i transparênsia é fundamental. Kandidatus di prujetu debi aprizenta rilatórius regularmenti i involvi abertu ku*

Kandidatus debi stabilesi mekanismus klaru di risponsabilizason ki podi inklui:

- un oráriu di akunpanhamentu i aprizentason di rilatórius, alinhadu ku pasus di markus di prujetu.
- pontu(s) di kontatu dizignadu pa menbrus di kumunidade i organismus reguladoris
- Rilatórius di prugresu públiku, publikadu pelu menus trimestralmenti i disponibilizadu na línguas faladu pa kumunidade di akolhimentu i na formatus asesível.
- Oportunidadis pa kumunidade rivisiona prugresus através di kumisons konsultivus, sesons di auskultason kumunitáriu ô otus fórums; i/ô
- Abordajens pa tranzison di administrason kumunitáriu entri jerasons, na garanti ki lideransa lokal ka ta dipendi di alguns indivídu. Keli podi involvi orientason di jovens, funsions di konsultoria rimuneradu ô struturas di guvernon rotativa.

Kandidatus é txeu inkorajadu da próximu pasu, na entra en akordus kuletivus di trabadju (CBAs) ku CBOs, munisípius i/ô ligasons djuntu di menbrus di kumunidade ki ta rifliti interesis i nisisidadis di rizidentis afetadu. Au kontráriu di CBP, ki é faramentas di planiamentu ka vinkulativu, CBAs é kontratu legalmenti izekutável ki ta formaliza kunprimisus asumidu pa prupONENTI. CBAs da un strutura klaru pa prestason di kontas, ta klarifika funsions i risponsabilidadis i ta djuda solidifika ispetativas di tudu dós ladu.

## VIII. Sustentabilidadi a longu prazu

Ikuantu ta dadu txeu binifísius pa kumunidade durante fazis inisial di dizinvolvimentu di prujetu, rizultadus más signifikativus é kés ki ta perdura durante tudu vida útil di instalason. Sustentabilidadi, na kel kontekstu li, signifika garanti ki binifísius ta manti risponsivu, rizilientis i ifisienti.

Kandidatus debi ilabora sés CBPs na ten na menti adaptabilidadi, na rikunhesi ki:

- Nisisidadis di kumunidade podi muda au longu di tenpu, prinsipalmenti na risposta a mudansas na kondisons ambiental, ikunómiku ô di saúdi públiku.
- Novus oportunidadis di kulaburason, invistimentu ô intrega di binifísius podi surji duranti konstruson ô dipós di un prujetu sta operasional.
- Involvimentu kontínu é isensial pa manti binifísius alinhadu ku prioridadis di kumunidade.

Pa apoia susesu a longu prazu, CBPs debi:

- Inklui pontus di rivizon integradus pa avalia si binifísius ta kontinua ta ser rilivanti.
- Identifika kualker invistimentus rikorenti ô kunprimisus atual.
- Garanti ki ten mekanismus pa ki kumunidade podi prupo ajustes ô fala di priokupasens na midida ki prujetu ta ivului i/ô ta avansa.

Inbora ka é nisisáriu fundus fidusiáriu formal ô doasons a longu prazu, kandidatus é inkorajadu pa iexplora abordajens kreativu pa sustenta binifísius, sima parserias ku instituisons lokal, stratéjias di reinvestimentu ô programas di subsídius rotativus. Sustentabilidadi ka ta signifika manti un lista státiku di binifísius, más sim konstrui rilasons flexível i duradouras ki podi apoia prugresu partilhadu au longu di tenpu.

## IX. Konstrui kunfiansa, intrega inpákitu

Tranzison pa enerjia linpu aprizenta un oportunidad di stóriu — ka só pa konstrui un redi modernu i fiável, más pa konstrui un futuru más justu, inklusivu i rizilienti. CBPs i CBAs ta dizinpenha un papel fundamental na kel prusesu li, na djuda garanti ki binifísius di tranzison é partilhadu di un manera más anplu. Kuandu kriadu i implimentadu di un manera ifisienti, CBPs i CBAs podi i alén di konformidad i di rimunerason i ser veíkulus di invistimentu, kulaburason i puder di kumunidade.

*Planus di binifísius kumunitáriu é faramentas di transformason: kuandu fundamentadu na ekuidadi, kunfiansa i respetu pa vozis di kumunidade, podi jiri mudansas ki ta dura.*

Intendi kel putensial li ta iziji más di ki só sinalaliza kaixas. É nisisáriu un skuta profundo, rilasons di longu prazu i konstruson di kunfiansa, ben komu un kunprimisu jenuínu ku ekuidadi. É ta signifika rikunhesi kunhisimentu i lideransa ki dja ten na BA i kria djuntu sulusons ki ta rifliti valoris i vizons partilhadu.

Kés padrons li i orientasens ta oferesi un strutura pa djuda kandidatus prujetus atinji kés objetivus ku klareza, konsistênsia i risponsabilidadi, más risponsabilidadi di poi kés planus signifikativus li kabi na kada ator na kel prusesu li. OEJE ta insentiva kandidatus pa aborda kel trabadju li ku umildadi, transparênsia i vontadi di prendi.

Na sentraliza kumunidades, kumpri prumesas i plania susesu au longu prazu, prupunentis di prujetus podi ser verdaderus parserus i djuda garanti ki dizinvolvimentu enerjétiku ka só ta alimenta kazas, más ta midjora bairus, kria oportunidadi i apoia un mundu más saudável i ekuitativu.

## X. Studus di kazu i rikursus adisional<sup>1</sup>

- **Guia pasu a pasu pa kria un planu di binifisius kumunitáriu**: Manual di binifisius kumunitáriu di People's Justice40+ di Emerald Sites Collaborative ta oferesi orientasóns pa dizinvolvimentu di CBPs pa kumunidades di baixu rendimentu, rural, rasa negra, indíjenas i pisoas di kor (BIPOC), di linha di frenti i di serka, i organizasóns kumunitáriu ki ta sirvi kës kumunidades li.
- **Opinions di spesialistas sobri midjoris práttikas pa akordus di binifisius kumunitáriu**: Rilatóriu di Sabin Center for lei di mudnasa di klima ta diskrevi 35 rikumendasóns pa promotoris i kumunidades di akolhimentu kuandu és ta negosiai ridiriji CBAs. Kës rikumendasóns ta ben di di intrivistas ku advogadus i otus spesialistas ki ta negosia kuletivamente dezenas di CBAs pa infra-struturas klimátikus i otus tipus di prujetus.
- **Prujetus di enerjia linpu na EUA mesti di adezon di públiku. Akordus di binifisius kumunitáriu podi djuda**: Kel artigu li é publikadu pa World Resources Institute ki ta splika modi ki akordus kuletivu di trabadju CBAs i otus tipus di akordus di prujetu podi ser iaboradu pa atendi pa nisisidadis spisiífiku di kada kumunidade.
- **Rikizitus lijislativus di stadu pa akordus di binifisius kumunitáriu na prujetus di enerjia rinovável**: Inisiativa pa justisa enerjétiku ten publikadu un inkéritu pa da pisoas faramentas práttikus i kunhisimentus ku lisóns ki prendedu di diversus abordajens di binifisiu kumunitáriu pa informa pulítikas enerjétikus más justu i risponsivu.
- **Rivizon di literatura sobri avaliasón di inpákitu kumulativu i planus di binifisius kumunitáriu**: Un rilatóriu di StarLuna Consulting, LLC ki ta sintetiza literatura ki ta diskrevi tantu análisi di inpákitus kumulativus komu pa planus di binifisius pa kumunidade.

---

<sup>1</sup> OEJE ta da kës rikursus li komu rikursus adisional pa fins informativus i ka pa indosa nisisariamenti diklarasóns ki sta pur alen.